



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1729. usque ad annum 1731

**Fleury, Claude**

**August. Vind. [u.a.], 1785**

**VD18 13322648**

§. 20. S. Facultatis decretum de recipienda Constitutione Unigenitus.

---

[urn:nbn:de:hbz:466:1-67677](https://nbn-resolving.org/urn:nbn:de:hbz:466:1-67677)

Sæc. XVIII. „ mant Deputati statuendum, ut nulli  
 A. C. 1729. „ deinceps, sive Magistri ad resumptam,  
 „ sive Licentiati. sive Baccalaurei, sive  
 „ Candidati ad ullos Actus admittantur,  
 „ nisi certum obedientiæ suæ testimo-  
 „ nium exhibuerint.

„ Hæc omnia tanquam necessaria  
 „ judicant iidem vestri Deputati, ne  
 „ serpat ulterius tam impotens opinio-  
 „ num licentia, coerceatur perniciosum  
 „ inobediendiæ fermentum, errori &  
 „ diffensionibus aditus omnis præclu-  
 „ datur, redeat pristinus sacræ Facul-  
 „ tatis splendor, pax & vera pax resti-  
 „ tuatur, in qua firmati unanimes uno  
 ore honorificemus Deum Patrem Dominum  
 nostri Jesu Christi.

§. XX.

*S. Facultatis Decretum de recipienda  
 Constitutione.*

Absoluta hac relatione Syndicus pe-  
 tit, ut S. Facultas de quinque illis  
 articulis, ad quos relationis summa re-  
 ducitur, deliberare ipsamque relationem  
 ad acta referre, & si videbitur, prælo  
 committere velit. Re igitur proposita,  
 & mature discussa nonaginta quinque  
 Magistri Facultatis nomine sequens edi-  
 derunt decretum:

„ Sa

„ Sacra Facultas, ad suffragium non- Sæc. XVIII.  
 „ aginta quinque Magistrorum ex cen- A. C. 1729.  
 „ tum & uno Magistris, qui suam dixere  
 „ sententiam, sex in varias sententias  
 „ abeuntibus, audita Relatione facta a  
 „ S. M. N. Tournelio, nomine Deputa-  
 „ torum ipsique gratiis actis

1. „ Eam laudat, & approbat in  
 „ omnibus, jubet ut inscribatur in suis  
 „ Commentariis, atque etiam mande-  
 „ tur typis, Latine & Gallice, ubi ta-  
 „ men res opportuna judicata fuerit &  
 „ dicta Relatio fuerit recognita.

2. „ Attendendo ad gravissima ra-  
 „ tionum momenta, quibus abunde  
 „ constat Decretum sacri Ordinis latum  
 „ diebus quinta & decima Martii 1714.  
 „ verum esse ac genuinum, illud iterum  
 „ ac de novo suum facit, & agnoscit,  
 „ immerito prorsus fuisse declaratum  
 „ falsum, adulterinum & commenti-  
 „ tium, atque idcirco vult, ut nulla ha-  
 „ bita ratione lituræ factæ quarta Ja-  
 „ nuarii 1716. quantumvis per nonnul-  
 „ las conclusiones probata videatur,  
 „ illud Decretum suum omne robur ha-  
 „ beat, & hac præsentis Conclusionis  
 „ in integrum restitutum censeatur;  
 „ necnon quæcumque contra ipsum sub-  
 „ inde tentata sunt, penitus deleantur  
 „ & eradantur, adhibita mentione ad  
 „ marginem præsentis Conclusionis.

F 5

3. Conz

Sæc. XVIII. 3. „ Constitutionem Sanctissimi Do-  
 A. C. 1729. „ mini nostri Clementis Papæ XI. da-  
 „ tam die octava Septembris Anno  
 „ 1713. quæ incipit *Unigenitus Dei Fi-*  
 „ *lius*, summa cum reverentia, & in-  
 „ tegro cordis & animi obsequio iterum  
 „ & de novo amplectitur tanquam dog-  
 „ maticum Ecclesiæ universalis judi-  
 „ cium.

4. Provocationem seu Appellationem,  
 „ quæ legitur & circumfertur sub no-  
 „ mine sacræ Facultatis a prædicta Con-  
 „ stitutione *Unigenitus* ad futurum ge-  
 „ nerale Concilium die quinta Martii  
 „ Anni 1717. interjecta, præsentis Con-  
 „ clusione, quantum opus est, revocat,  
 „ pro nulla haberi jubet, cassat & an-  
 „ tiquat, atque e suis Commentariis  
 „ vult & imperat eradi & expungi, nec  
 „ non alios omnes Actus prædictæ Con-  
 „ stitutioni adversantes.

5. „ Cum nihil S. Facultas exoptet  
 „ magis, quam ut Dissidentes, quos a  
 „ nostris Comitibus Rex jussit abstinere,  
 „ ad unitatem Doctrinæ & ad præstan-  
 „ dum obsequium prædicto Apostolico  
 „ Decreto debitum, redeant & addu-  
 „ cantur, eos in Charitate Christi omni  
 „ studio invitât & adhortatur, ut at-  
 „ tendentes ad indubitatæ auctoritatis  
 „ momenta, quæ omnem contumaciam  
 „ frangere debent, memores quoque  
 „ con-

„conditionis suæ & jurisjurandi toties  
 „ab ipsis præstiti, atque suæ matris  
 „vocem agnoscentes, se perfecte sub-  
 „ditos, & sincere obedientes, in om-  
 „nibus exhibeant, & profiteantur:  
 „tum vero spondet eadem sacra Fa-  
 „cultas, se apud Regiæ Majestatis cle-  
 „mentiam sponte & ultro acturam sup-  
 „pliciter in ipsorum favorem & gratiam.

6. „Favendo dictis Magistris, &  
 „aliis, si qui sint dissidentes, quod ab-  
 „sit, concedit duos menses integros a  
 „die præsentis Conclusionis latæ com-  
 „putandos in gratiam eorum, qui Ur-  
 „bem incolunt, quatuor vero iis, qui  
 „extra Urbem, & Banleucam com-  
 „morantur, ut intra præscriptum tem-  
 „poris intervallum, sacre Facultati  
 „veri obsequii sui certum testimonium  
 „exhibeant: quod ni fecerint, decla-  
 „rat, *ex nunc pro tunc*, sacra Facultas  
 „tales Magistros quicumque fuerint,  
 „penitus & absque ulla spe reditus  
 „exclusos ab omni aditu Comitiorum  
 „suorum, necnon a quolibet jure Ma-  
 „gisterii & Doctoratus.

7. „Ut sacra Facultas provideat  
 „in posterum, ne ad suos Gradus ad-  
 „mittantur quidam, nisi Decretis  
 „Apostolicis, nominatim vero huic  
 „quod incipit, *Unigenitus* sincere obse-  
 „quentes sint, vult & jubet, ut quicum-  
 „que

Sæc. XVIII.  
 A. C. 1729.

Sæc. XVIII. „ que deinceps accessuri sunt, aut Ma-  
 A. C. 1729. „ gistri ad resumptam propugnandam,  
 „ aut Licentiati ad Lauream Doctora-  
 „ lem adipiscendam, aut Baccalaurei  
 „ primi ordinis ad Gradum Licentiæ  
 „ obtinendum, aut Baccalaurei secundi  
 „ ordinis ad aliquos Actus Theologicos,  
 „ sive ad respondendum, sive ad dispu-  
 „ tandum aut denique Theologiæ Can-  
 „ didati ad respondendum de tentativa  
 „ vel supplicandum ut vocant, *pro pri-*  
 „ *mo cursu*, teneantur omnes & singuli  
 „ declarare, se corde & animo perfecte  
 „ submissos esse supradictæ Apostolicæ  
 „ Constitutioni; sin minus *ipso facto* re-  
 „ jiciantur.

8. „ SS. MM. Brillono socio Sor-  
 „ bonico & Crouseto, qui, inter deli-  
 „ berandum, corde magno & animo vo-  
 „ lenti addiderunt, & expresse decla-  
 „ rarunt, a se interjectam a Constitu-  
 „ tione *Unigenitus* ad futurum generale  
 „ Concilium provocationem revocasse  
 „ se & revocare, Actum suæ declara-  
 „ tionis libentissime concessit. Signatum  
 „ J. Leullier Decanus.

## §. XXI.

*Heidelbergensium Calvinistarum cavil-  
 lationes occasione cujusdam dispu-  
 tationis Theologicæ.*

Habe-